

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԵՐԵՎԱՆ ՔԱՂԱՔԻ ԱՎԱԳԱՆԻ**

«---» հոկտեմբերի 2014թ.

N-----Ա

**ՈՐՈՇՈՒՄ**

**ԵՐԵՎԱՆ ՀԱՄԱՅՆՔԻ ԸՆԴՀԱՆՈՒՐ ԲԱԺՆԱՅԻՆ ՍԵՓԱԿԱՆՈՒԹՅՈՒՆ  
ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ**

Ղեկավարվելով Հայաստանի Հանրապետության քաղաքացիական օրենսգրքի 34-րդ գլխի կանոններով, Երևան քաղաքի ավագանու 2013 թվականի դեկտեմբերի 10-ի հ.95-Ն որոշմամբ հաստատված հավելվածի 3-րդ կետով՝

**Երևան քաղաքի ավագանին որոշում է.**

1. Թույլատրել Երևանի քաղաքապետին Երևան համայնքի ընդհանուր բաժնային սեփականությունը համարվող Նոր Նորք վարչական շրջանի, Նորքի 7-րդ միկրոշրջանի հ.41 շենքի հ.28՝ 79.69 քմ մակերեսով բնակարանի իր բաժնեմասը (1/4) (անշարժ գույքի նկատմամբ իրավունքների պետական գրանցման 21.08.2014թ. հ.21082014-01-0233 վկայական) սեփականության իրավունքով անհատույց օտարել (նվիրել) Անահիտ Մանուկյանին և Սուրեն Մանուկյանին:

**ԵՐԵՎԱՆԻ ՔԱՂԱՔԱՊԵՏ**

**Տ. ՄԱՐԳԱՐՅԱՆ**

## Տ Ե Ղ Ե Կ Ա Ն Ք - Հ Ի Մ Ն Ա Վ Ո Ր ՈՒ Մ

### «ԵՐԵՎԱՆ ՀԱՄԱՅՆՔԻ ԸՆԴՀԱՆՈՒՐ ԲԱԺՆԱՅԻՆ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՄԱՍԻՆ

Անահիտ Մանուկյանը դիմել է Երևանի քաղաքապետարան՝ Նոր Նորք վարչական շրջանի Նորքի 7-րդ միկրոշրջանի հ.41 շենքի հ.28՝ 79.69 քմ մակերեսով բնակարանի 1/4 բաժնեմասն իր և որդու՝ Սուրեն Մանուկյանի անվամբ մասնավորեցնելու խնդրանքով:

Նոր Նորքի վարչական շրջանի Նորքի 7-րդ միկրոշրջանի հ.41 շենքի հ.28 բնակարանը ընդհանուր բաժնային սեփականության իրավունքով պատկանում է Անահիտ Մանուկյանին և Սուրեն Մանուկյանին (հիմք անշարժ գույքի նկատմամբ իրավունքների պետական գրանցման **21082014թ. հ.21082014-01-0233** վկայական):

Նշված բնակարանը Երևանի քաղաքապետի **1997** թվականի մարտի **25**-ի հ.**2380** որոշմամբ տրամադրվել է Նորայր Մանուկյանի ընտանիքին՝ իրեն, վերջինիս խորթ մորը՝ Սաթո Մեծլումյանին, կնոջը՝ Անահիտ Մանուկյանին և որդուն՝ Սուրեն Մանուկյանին: Նորայր Մանուկյանի մահից հետո /հիմք **29.01.2013թ. հ.611096** մահվան վկայագիր/ Անահիտ Մանուկյանը և Սուրեն Մանուկյանը հանդիսանալով հանգուցյալի ժառանգներ՝ որպես ժառանգություն ընդունել են տվյալ բնակարանի **1/4** բաժնեմասը: Բնակարանի մյուս համասեփականատեր Սաթո Մեծլումյանի մահից հետո /հիմք **04.01.2007թ. հ.121842/** բնակարանի նկատմամբ որևէ իրավական ձևակերպում հնարավոր չի եղել իրականացնել, քանի որ Սաթո Մեծլումյանի և Նորայր Մանուկյանի հոր ամուսնությունը օրենքով սահմանված կարգով գրանցված չի եղել:

Նկատի ունենալով, որ Սաթո Մեծլումյանը ժառանգներ չի ունեցել, նշված բնակարանի բաժնեմասը ճանաչվել է անժառանգ գույք և Հայաստանի Հանրապետության քաղաքացիական օրենսգրքի **1224**-րդ հոդվածով սահմանված դրույթների համաձայն՝ բաժնեմասի նկատմամբ ձևակերպվել է Երևան համայնքի ժառանգության իրավունքը, որից ծագող իրավունքը ստացել է պետական գրանցում:

Համաձայն «Նորք 7/5» համատիրության կողմից **02.09.2014թ.** տրված տեղեկանքի Անահիտ Մանուկյանը **1988** թվականից փաստացի բնակվում է Նոր Նորք վարչական շրջանի Նորքի 7-րդ միկրոշրջանի հ.41 շենքի հ.28 բնակարանում:

Համաձայն Հայաստանի Հանրապետության կառավարությանն առընթեր անշարժ գույքի կադաստրի պետական կոմիտեի աշխատակազմի տեղեկատվական տեխնոլոգիաների կենտրոնի **03.09.2014թ. հ.ԿԽ-2/5980** և **ԿԽ-2/5981** գրություններ՝ Անահիտ Մանուկյանի և Սուրեն Մանուկյանի անվամբ Նոր Նորքի վարչական շրջանի Նորքի 7-րդ միկրոշրջանի հ.41 շենքի հ.28

բնակարան հասցեում գտնվող անշարժ գույքի նկատմամբ գրանցված է վերջիններիս ընդհանուր բաժնային սեփականության իրավունք, ինչպես նաև իրենց անվամբ Հայաստանի Հանրապետությունում այլ անշարժ գույքի նկատմամբ սեփականության իրավունքի պետական գրանցում և վերջին հինգ տարիների ընթացքում անշարժ գույքի օտարման և ձեռքբերման գործարքներից ծագող իրավունքի պետական գրանցում կատարված չէ:

Երևան քաղաքի ավագանու **2013** թվականի դեկտեմբերի **10**-ի **հ.95**-Ն որոշման հավելվածի /Օրագրի/ **3**-րդ կետի համաձայն՝ Երևան քաղաքի սեփականություն համարվող գույքը կարող է անհատույց օտարվել միայն Երևան քաղաքի ավագանու որոշմամբ, բացառությամբ Օրագրի **4**-րդ կետի:

Օրագրի **4**-րդ կետով նախատեսված իրավական և/կամ փաստական հանգամանքների առկայության դեպքում Երևան քաղաքի սեփականություն համարվող բնակարանները, բնակելի տները և բնակելի տարածքները կարող են սեփականության իրավունքով անհատույց փոխանցվել քաղաքացիներին՝ Երևանի քաղաքապետի որոշմամբ:

Հաշվի առնելով այն հանգամանքը, որ տվյալ դեպքում բացակայում են Երևան քաղաքի ավագանու **2013** թվականի դեկտեմբերի **10**-ի **հ.95**-Ն որոշման հավելվածի /Օրագրի/ **4**-րդ կետի **1**-ից **7**-րդ ենթակետերով նախատեսված իրավական և/կամ փաստական հանգամանքները, ուստի անհրաժեշտություն է առաջացել ընդունելու Երևանի ավագանու համապատասխան որոշում:

**ԵՐԵՎԱՆԻ ՔԱՂԱՔԱՊԵՏ**

**Տ. ՄԱՐԳԱՐՅԱՆ**

**Տ Ե Ղ Ե Կ Ա Ն Ք**

**«ԵՐԵՎԱՆ ՀԱՄԱՅՆՔԻ ԸՆԴՀԱՆՈՒՐ ԲԱԺՆԱՅԻՆ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ԿԱՄ ԲԱՑԱԿԱՑՈՒԹՅԱՆ ՄԱՍԻՆ**

Երևան քաղաքի ավագանու «Երևան համայնքի ընդհանուր բաժնային սեփականություն համարվող բնակարանն անհատույց օտարելու մասին» որոշման նախագծի ընդունման առնչությամբ այլ իրավական ակտերի ընդունման անհրաժեշտություն չի առաջանում:

**Տ Ե Ղ Ե Կ Ա Ն Ք**

**«ԵՐԵՎԱՆ ՀԱՄԱՅՆՔԻ ԸՆԴՀԱՆՈՒՐ ԲԱԺՆԱՅԻՆ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ ԵԿԱՄՈՒՏՆԵՐՈՒՄ ԵՎ ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ**

Երևան քաղաքի ավագանու «Երևան համայնքի ընդհանուր բաժնային սեփականություն համարվող բնակարանն անհատույց օտարելու մասին» որոշման նախագծի ընդունման կապակցությամբ Երևանի բյուջեի եկամուտներում և ծախսերում փոփոխություններ չի առաջանում:

**ԵՐԵՎԱՆԻ ՔԱՂԱՔԱՊԵՏ**

**Տ.ՄԱՐԳԱՐՅԱՆ**